



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Feria Quarta.

urn:nbn:de:hbz:466:1-12077

Et in cor igne cœlite
Accensa fige spicula.

Hæc te, beata Trinitas,
Junctis precamur vocibus,
Ut una nos felicitas
Jungat beatis cœtibus. Amen.

FERIA QUARTA.

AD MATUTINUM.

RERUM Creator optime,
Tu nos benignus exime
Quiete menti noxiâ,
Curâque carnis ansiâ.

En noctis horas rumpimus,
Omnes tibi nos sistimus;
Ut per tuam clementiam
Reis redones gratiam.

Vides malum quod fecimus,
Occulta quæque pandimus;
Remitte nobis crimina,
Quorum gravamur sarcinâ.

Præsta, Pater piissime,
Fili, Patris simillime,
Et tu, beate Spiritus,
Nobis adesto cœlitus. Amen.

AD LAUDES.

NOx atra cedat lumini,
 Homóque summo Numini:
 Lux prima solis emicat,
 Ad se Deus nos advocat.

Te, Christe, solum novimus,
 Unum simul te poscimus;
 Ut mens amans perennia,
 Mundana spernat omnia.

Sunt multa fucis illita,
 Sunt multa spinis confita;
 Tu vera lux illabere;
 Falli nequis, nec fallere.

Præsta, Pater piissime,
 Fili, Patris simillime,
 Et tu, beate Spiritus,
 Nobis adesto cœlitus. Amen.

FERIA QUINTA.

AD MATUTINUM.

DUM noctis in silentio,
 Tranquilla constant omnia,
 Dei premit quos ultio
 Decet reos insomnia.